



## Vol. 13 (九卷上)

---

No Known Copyright

Princeton University Library reasonably believes that the Item is not restricted by copyright or related rights, but a conclusive determination could not be made.

You are free to use this Item in any way that is permitted by the copyright and related rights legislation that applies to your use.

## Princeton University Library Disclaimer

---

Princeton University Library claims no copyright governing this digital resource. It is provided for free, on a non-commercial, open-access basis, for fair-use academic and research purposes only. Anyone who claims copyright over any part of these resources and feels that they should not be presented in this manner is invited to contact Princeton University Library, who will in turn consider such concerns and make every effort to respond appropriately. We request that users reproducing this resource cite it according the guidelines described at <http://rbcs.princeton.edu/policies/forms-citation>.

## Citation Information

---

Vol. 13 (九卷上)

## Contact Information

---


## Download Information

---

Date Rendered: 2019-10-21 12:12:20 PM UTC

Available Online at: <http://arks.princeton.edu/ark:/88435/rj430986q>





金匱要略卷之九

治症總要

東垣錢法

名醫治法

鍼邪秘要

秘要灸法

四花穴法

針竹馬灸法

各藥火氣用法

各藥用法

鍼灸大成卷之九

治症總要

東垣鍼法

名醫治法

鍼邪秘要

捷要灸法

取四花穴法

騎竹馬灸法

灸勞穴心氣法

灸痔漏炷氣法

灸腸風下血法

灸結胸傷寒法

灸臍治病法

千金灸法

寶鑑發灸法

艾灸補瀉

貼洗灸瘡法

灸後調攝法

附楊氏醫案

治症總要

楊氏

一論中風但未中風時一兩月前或三四箇月前不時足脛上發痠重麻良久方解此將中風之候也便宜急灸三里絕骨四處各三壯後用生葱薄荷桃柳葉四味煎湯淋洗灸法逐風氣自瘡口出如春交夏時夏交秋時俱宜灸常令二是有灸瘡為妙但人不信此法飲食不節色酒過度卒忽中風可於七處一齊俱灸各三壯偏左灸右偏右灸左百會耳前穴也

第一陽症中風不語手足癱瘓者

合谷 肩髃 手三里 百會 肩井 風市

環跳

足三里

委中

陽陵泉

先針無病手足後針有病手足

第二陰症中風。半身不遂。拘急。手足拘攣。此是陰症也。亦依治之。但先補後瀉。

第三中暑。不省人事。

人中

合谷

內庭

百會

中極

氣海

問曰。中暑當六七月間有此症。或八九月十月亦有此症。從何而得。答曰。此症非一。醫者不省。當以六七月有之。如何。八九月十月亦有之。皆因先感暑氣。流入脾胃之中。串入經絡。蒸氣相併。或因怒氣觸動。或因過飲。恣慾傷體。或外感風。至八九月方發。乃難治也。六七月受病淺。風疾未盛。氣血未竭。體氣未衰。此為易治。復刺後穴。

中衝

行間

曲池

少澤

第四中風。不省人事。

人中

中衝

合谷

問曰。此病如何而來。已上穴法。針之不効。奈何。答曰。針力不到。補瀉不明。氣血錯亂。或去針速。故不効也。前穴未効。復刺後穴。啞門。大敦。

第五中風。口禁不開。

頰車

人中

百會

承漿

合谷

俱宜瀉

問曰。此症前穴不効。何也。答曰。此皆風痰灌注。氣血錯亂。陰陽不升降。致有此病。復刺後穴。廉泉。人中。

第六半身不遂中風。絕骨 崑崙 合谷 肩髃

曲池 手三里 足三里

問曰。此症針後再發何也。答曰。針不知分寸。補瀉不明。不分虛實。其症再發。再針前穴。復刺後穴。

肩井 上廉 委中

第七口眼喎斜中風。地倉 頰車 人中 合谷

問曰。此症用前穴針効。一月或半月復發何也。答曰。必是不禁房勞。不節飲食。復刺後穴無不効也。

聽會 承漿 翳風

第八中風左癱右瘓。

三里 陽谿 合谷 中渚 陽輔 崑崙 行間

問曰。數穴針之不効何也。答曰。風痰灌注經絡。血氣相搏。再受風寒。濕氣入內。凝滯不散。故刺不効。復刺後穴。先針無病手足。後針有病手足。風市 丘墟 陽陵泉

第九正頭大痛及腦頂痛。百會 合谷 上星

問曰。此症針後一日二日再發。甚於前何也。答曰。諸陽聚會頭上。合用先補後瀉。宜補多瀉少。其病再發。愈重如前。法宜瀉之。無不効也。復針後穴。真頭痛。且發夕死。夕發旦死。醫者當用心救治。如不然。則難治。神庭 太陽

第十偏正頭風。風池 合谷 絲竹空

問曰。已上穴法。刺如不效。何也。答曰。亦有痰飲停滯胸膈。賊風串入腦戶。偏正頭風。發來連臂內痛。或手足沉冷。久而不治。變為癱瘓。亦分陰陽針之。或針力不到。未效。可刺中脘。以疎其下疾。次針三里。瀉去其風。後針前穴。

中脘 三里 解谿

第十一頭風目眩。解谿 豐隆

問曰。此症刺効復發。何也。答曰。此乃房事過多。醉飽不避風寒。而臥賊風串入經絡。冷症再發。復針後穴。

風池 上星 三里

第十二頭風頂痛。百會 後頂 合谷

問曰。頭頂痛。針入不効者。再有何人可治。答曰。頭頂痛。乃陰陽不分。風邪串入腦戶。刺故不効也。先取其痰。次取其風。自然有效。中脘 三里 風池 合谷

第十三醉頭風。橫竹 印堂 三里

問曰。此症前穴針之不効。何也。答曰。此症有痰飲停於胃脘。口吐清涎。眩暈。或三日五日不省人事。不進飲食。名曰醉頭風。先去其氣。化痰調胃。進食。然後去其風痛也。

中脘 豐中 三里 風門

第十四目生翳膜。睛明 合谷 四白

問曰。已上穴法。刺之不効。何也。答曰。此症受病既深。未可

一時便愈。須是二三次針之。方可有效。復刺後穴。

太陽 光明 大骨空 小骨空

第十五迎風冷淚。攢竹 大骨空 小骨空

問曰。此症緣何而得。答曰。醉酒當風。或暴赤。或痛。不忌房事。恣意好食。燒煎肉物。婦人多因產後。不識迴避。當風坐視。賊風串入眼目中。或經事交感。穢氣衝上頭目。亦成此症。復刺後穴。小骨空。治男婦醉後當風三陰交。治婦人交感症淚孔上。

未大艾 比壯効中指半指尖。米大艾 三壯

第十六目生內障。童子膠 合谷 臨泣 睛明

問曰。此症從何而得。此效穴針之不效何也。答曰。怒氣傷肝。血不執舍。腎水枯竭。氣血耗散。臨患之時。不能節約。恣意房事。用心過多。故得此症。亦難治療。復針後穴。

光明 天府 風池

第十七目患外障。小骨空 太陽 睛明 合谷

問曰。此症緣何而得。答曰。頭風灌注瞳人。血氣湧溢上盛下虛。故有此病。刺前不效。復刺後穴二三次。方愈。

臨泣 攢竹 三里 內眥尖。冬五壯即眼頭尖上

第十八風沿眼紅澁爛。

睛明 四白 合谷 臨泣 二間

問曰。針之不効何也。答曰。醉飽行房。血氣凝滯。痒而不散。

用手楷摸賊風乘時串入。故得此症。刺前不效。復刺後穴。

三里 光明

第十九眼赤暴痛。合谷 三里 太陽 睛明

問曰。此症從何而得。答曰。時氣所作。血氣壅滯。當風睡臥。饑飽勞役。故得此症。復刺後穴。太陽 攢竹 絲竹空

第二十眼紅腫痛。睛明 合谷 四白 臨泣

問曰。此症從何而得。答曰。皆因腎水受虧。心火上炎。肝不能制。心肝二血。不能歸元。血氣上壅。灌注瞳人。赤脉貫睛。故不散。復刺後穴。太谿 腎俞 行間 勞宮

第二十一努肉侵睛。風池 睛明 合谷 太陽

問曰。此症從何而得。答曰。或因傷寒未解。却有房室之事。上盛下虛。氣血上壅。或頭風不早治。血貫瞳人。或暴下赤痛。或因氣傷肝。心火炎上。故不散也。及婦人產後。怒氣所傷。產後未滿。房事觸動。心肝二經。飲食不節。饑飽醉勞。皆有此症。非一時便可治療。漸而為之。無不効也。復刺後穴。

風池 期門 行間 太陽

第二十二怕日羞明。小骨空 合谷 攢竹 二間

問曰。此症緣何而得。答曰。皆因暴痛未愈。在路迎風。串入眼中。血不就舍。肝不藏血。風毒貫入。視物光冷淚自出。見

日影乾澀疼痛。復針後穴。睛明 行間 光明

第二十三鼻塞不聞香臭。

迎香 上星 五處 禾膠

問曰。此症緣何而得。針數穴。不効。答曰。皆因傷寒不解。毒氣衝腦。或生鼻痔。腦中大熱。故得此症。復刺後穴。

水溝 風府 百勞 太陽

第二十四鼻流清涕。 上星 人中 風府

問曰。此症緣何而得。答曰。皆因傷風不解。食肉飲酒太早。表裏不解。咳嗽痰涎。及腦寒。故得此症。復針後穴。

百會 風池 風門 百勞

第二十五腦寒瀉臭。 上星 曲差 合谷

問曰。此症緣何而得。答曰。皆因鼻衄不止。用藥吹入腦戶。毒氣攻上腦頂。以流鼻臭也。復刺後穴。 水溝 迎香

第二十六鼻淵鼻痔。 上星 風府

問曰。針此穴未効。復刺何穴。答曰。更刺後穴。

禾膠 風池 人中 百會 百勞 風門

第二十七鼻衄不止。 合谷 上星 百勞 風府

問曰。此症緣何而得。出血不止。答曰。血氣上壅。陰陽不能升降。血不宿肝。肝主藏血。血熱妄行。故血氣不順也。針前不効。復刺後穴。 迎香 人中 印堂 京骨

第二十八口内生瘡。 海泉 人中 承漿 合谷

問曰此症緣何而得。答曰上盛于虛。心火上炎。脾胃俱敗。故成此症。復刺後穴。金津 玉液 長強

第二十九只眼喝斜。頰車 合谷 地倉 人中

問曰此症從何而得。答曰醉後臥睡。當風賊風串入經絡。痰飲流注。或曰怒氣傷肝。房事不節。故得此症。復刺後穴

承漿 百會 地倉 童子膠

第三十兩頰紅腫生瘡。一名枯曹風猪腮風。

合谷 列缺 地倉 頰車

問曰此症從何而得。答曰熱氣上壅。痰滯三焦。腫而不散。兩腮紅腫生瘡。名曰枯曹風。復刺後穴

承漿 三里 金津 玉液

第三十一舌腫難語。廉泉 金津 玉液

問曰此症從何而得。答曰皆因酒痰滯於舌根。宿熱相搏。不能言語。故令舌腫難言。復刺後穴。天突 少商

第三十二牙齒腫痛。呂細 頰車 龍玄 合谷

第三十三上片牙疼。呂細 太淵 人中

第三十四下片牙疼。合谷 龍玄 承漿 頰車

問曰牙疼之症。緣何而得。答曰皆因腎經虛敗。上盛下虛。陰陽不升降。故得此症。復刺後穴。賢俞 三間 二間

第二十五耳內虛鳴。賢俞 三里 合谷

問曰。此症從何而得。答曰。皆因房事不節。腎經虛敗。氣血耗散。故得此症。復刺後穴。太谿 聽會 三里

第三十六耳紅腫痛 聽會 合谷 頰車

問曰。此症腫痛何也。答曰。皆因熱氣上壅。或因繳耳觸傷。熱氣不散。傷寒不解。故有此症。不可一例針灸。須辨問端的。針之無不効也。復刺後穴。三里 合谷 翳風

第三十七聾耳生瘡出膿水 翳風 合谷 耳門

問曰。聾耳生瘡。出膿水。嘗聞小兒有此症。答曰。洗浴水歸耳內。故有。大人或因剔耳觸動耳黃。赤有水誤入耳內。故如此。復刺後穴。聽會 三里

第三十八耳聾氣閉 聽官 聽會 翳風

問曰。此症從何而得。答曰。傷寒大熱。汗閉。氣不舒。故有此症。前針不効。復刺後穴。三里 合谷

第三十九手臂麻木不仁 肩髃 曲池 合谷

問曰。此症從何而得。答曰。皆因寒濕相搏。氣血凝滯。故麻木不仁也。復刺後穴。肩髃 列缺

第四十手臂冷風痠痛 肩井 曲池 手三里 下廉

問曰。此症從何而得。答曰。寒邪之氣。流入經絡。夜臥涼枕。竹簾。漆凳。冷處睡着。不知風濕。流入經絡。故得此症。復刺後穴。手五里 經渠 上廉

第四十一手臂紅腫疼痛。五里 曲池 通里 中渚  
問曰。此症緣何而得。荅曰。氣血壅滯。流而不散。閉塞經脉  
不通。故得此症。復刺後穴。

合谷 尺澤

第四十二手臂紅腫及疽。中渚 液門 曲池 合谷  
問曰。此症從何而得。荅曰。血氣壅滯。皮膚瘙癢。用熱湯泡  
洗。而傷紅腫。故得此症。久而不治。變成手背疽。復刺後穴。

上都 陽池

第四十三手臂拘攣。兩手筋緊不開。

陽池 合谷 尺澤 曲池 中渚

問曰。此症從何而得。荅曰。皆因濕氣處臥。暑月夜行。風  
相搏。或酒醉行房之後。露天而眠。故得此症。復針後穴。

肩髃 中渚 少商 手三里

第四十四肩背紅腫疼痛。肩髃 風門 中渚 大杼

問曰。此症從何而得。荅曰。皆因腠理不密。風邪串入皮膚。  
寒邪相搏。血氣凝滯。復刺後穴。膏肓 肺俞 肩髃

第四十五心胸疼痛。大陵 內關 曲澤

問曰。心胸痛從何而得。荅曰。皆因停積。或因食冷。胃脘冷  
積作楚。心痛有九種。有虫食痛者。有心痺冷痛者。有陰陽  
不升降者。有怒氣衝心者。此症非一。推詳其症治之。

中脘 上脘 三里

第四十六脇肋疼痛。支溝 章門 外關

問曰。此症從何得之。荅曰。皆因怒氣傷肝。血不歸元。觸動肝經。肝藏血。怒氣甚。肝血不歸元。故得是症。亦有傷寒後脇痛者。有挫閃而痛者。不可一例治也。宜推詳治之。復刺後穴。行間 治怒氣 中封 治傷寒陽陵泉 治挫閃

第四十七腹內疼痛。內關 三里 中脘

問曰。腹內疼痛如何治療。荅曰。失饑傷飽。血氣相爭。榮衛不調。五臟不安。寒濕中得此。或冒風被雨。飽醉行房。飲食不化。亦有此症。必急治療。為腎虛敗。毒氣沖歸臍腹。故得此症。如不愈。復刺後穴。關元 水分 天樞 寒濕

第四十八小腹胀滿。內關 三里 三陰交

問曰。此症針入穴法不効何也。荅曰。皆因停飲不化。腹脹此症非一。有膀胱疝氣。冷築疼痛。小便不利。脹滿疼痛。大便虛結。脹滿疼痛。推詳治之。再刺後穴。照海 大敦

中脘 治婦人血塊攻築疼痛小

第四十九兩足麻木。陽輔 陽交 絕骨 行間

問曰。此症因何而得。荅曰。皆為濕氣相搏。流入經絡不散。或因酒後房事過多。寒暑失蓋。致有此症。復針後穴。

崑崙 絕骨 丘墟

第五十兩膝紅腫疼痛。膝關 委中

問曰。此症從何而來。答曰。皆因脾家受濕。痰飲流注。此疾非一。或因痢後寒邪入於經絡。遂有此症。或傷寒流注。亦有此症。復刺後穴。陽陵泉 中脘 豐隆

第五十一足不能行。丘墟 行間 崑崙 太衝  
問曰。此症從何而得。答曰。皆因醉後行房。腎經受虧。以致足弱無力。遂致不能行步。前治不效。復刺後穴。

三里 陽輔 三陰交 復溜

第五十二脚弱無力。公孫 三里 絕骨 申脉

問曰。此症從何而得。答曰。皆因濕氣流於經絡。血氣相搏。或因行房過。傷精力。或因行路有負。筋骨攣。成此疾。復針後穴。崑崙 陽輔

第五十三紅腫脚氣生瘡。照海 崑崙 京骨 委中  
問曰。此症前穴不愈。何也。答曰。氣血凝而不散。寒熱久而不治。變成其疾。再針後穴。三里 三陰交

第五十四脚背紅腫痛。太衝 臨泣 行間 內庭  
問曰。此症從何而得。答曰。皆因勞役過多。熱湯泡洗。血氣不散。以致紅腫疼痛。宜針不宜灸。丘墟 崑崙

第五十五穿眼草鞋風。照海 丘墟 商丘 崑崙  
問曰。此症緣何而得。答曰。皆因勞役過度。濕氣流滯。而致或因大熱行路。冷水浸洗。而成此症。復刺後穴。

太衝 解谿

第五十六風痛不能轉側舉步艱難。

環跳 風市 崑崙 居髎 三里 陽陵泉

問曰此症緣何而得荅曰皆因房事過多寒濕地上睡臥  
流注經絡挫閃後腰疼痛動止艱難前穴不効復刺後穴

五樞 陽輔 支溝

第五十七腰脚疼痛委中 人中

第五十八腎虛腰痛腎俞 委中 太谿 白環俞

第五十九腰脊強痛人中 委中

第六十坐骨腰脇痛尺澤 委中 人中

問曰此症從何而得荅曰皆因房事過多勞損腎經精血  
枯竭腎虛腰痛負重遠行血氣錯亂胃熱血不歸元則腰  
痛或因他事所關氣攻兩脇疼痛故有此症復刺後穴

崑崙 束骨 支溝 陽陵泉

第六十一渾身浮腫主瘡

曲池 合谷 三里 三陰交 行間 內庭

問曰此症從何而感荅曰傷饑寒飽房事過度或食生冷  
第六十二四肢浮腫中都 合谷 曲池 中渚 寧門  
問曰此症從何而得荅曰皆因饑寒邪入經絡飲水過多  
流入四肢或飲酒過多不避風寒致有此症復針後穴

行間 內庭 三陰交 陰陵泉

第六十三單蠱脹 氣海 行間 三里 內庭

水分 食開

第六十四雙蠱脹 支溝 合谷 曲池 水分

問曰此症從何而得答曰皆因酒色過多內傷臟腑血氣不通遂成蠱脹飲食不化痰積停滯渾身浮腫生水小便不利血氣不行則四肢浮腫胃氣不足酒色不節則單蠱脹也腎水俱敗水火不相濟故令雙蠱此症本難療治醫者當詳細推之 三里 三陰交 行間 內庭

第六十五小便不通 陰陵泉 氣海 三陰交 問曰此症緣何得之答曰皆因膀胱邪氣熱氣不散或勞役過度怒氣傷胞則氣閉入竅中或婦人轉胞皆有此症復刺後穴 陰谷 大陵

第六十六小便滑數 中極 腎俞 陰陵泉

問曰此症為何答曰此膀胱受寒腎經滑數小便冷痛頻頻淋瀝復針後穴 三陰交 氣海

第六十七大便秘結不通 章門 太白 照海

問曰此症從何得答曰此症非一有熱結有冷結宜先補後瀉

第六十八大便泄瀉不止 中脘 天樞 中極

第六十九赤白痢疾如赤。內庭 天樞 隱白

氣海 照海 內關 如白裏急後重。大痛者。

外關 中腕 隱白 天樞 申脉

第七十臟毒下血。 承山 脾俞 精宮 長強

第七十一脫肛久痔。 二白 百會 精宮 長強

第七十二脾寒發瘧。 後谿 間使 八推 身柱

三里 絕骨 合谷 膏肓

第七十三瘧先寒後熱。 絕骨 百會 膏肓 合谷

第七十四瘧先熱後寒。 曲池 先補後瀉 絕骨 先瀉後補

第七十五熱多寒少。 後谿 間使 日勞 曲池

第七十六寒多熱少。 後谿 百勞 曲池

問曰。此症從何感來。答曰。皆因脾胃虛弱。及傷於暑。秋必

成瘧。有熱多寒少。單寒單熱。氣盛則熱多。痰盛則寒多。是

皆痰飲停滯。氣血耗散。脾胃虛敗。房事不節所致。有一日

一發。間日一發。或三日一發者。久而不治。變成大患。瘧後

有浮腫。有虛勞。有大便利。有腹腫蠱脹者。或飲水多。腹內

有瘕。母者。須用調脾。進食化痰。飲穴法依前治之。

第七十七翻胃吐食。 中腕 脾俞 中魁 三里

第七十八飲水不能進。為之五噎。 勞宮 中魁

中皖 三里 大陵 支溝 上皖

問曰。翻胃之症。從何而得。針法所能療不。答曰。此症有可治。有不可治者。病初來時。皆因酒色過度。房事不節。胃家受寒。嘔吐酸水。或食物即時吐出。或飲食後一日方吐者。二三日方吐者。隨時吐者可療。三兩日吐者。乃脾絕胃枯。不能剋化水谷。故有五噎者。氣噎。水噎。食噎。勞噎。思噎。宜推詳治之。復刺後穴。

脾俞 胃俞多似上補 中 太白 下皖 食關

第七十九 哮喘

喻府 天突 膻中 市俞 三里 中皖

問曰。此症從何而得。答曰。皆因好飲熱酸魚腥之物。及有風邪痰飲之類。串入肺中。氣傷肝。乘此怒氣。食物不化。醉酒行房。不能節約。此亦非一也。有水哮。飲水則發。有氣哮。怒氣所感。寒邪相搏。痰飲壅滿。則發。鹹哮。則食鹹物發。或食炙燂之物。則發。醫當用意推詳。小兒此症尤多。復治後穴。膏肓 氣海 關元 乳根

第八十 咳嗽紅痰 百勞 肺俞 中皖 三里

問曰。此症緣何感得。答曰。皆因色慾過多。脾腎俱敗。怒氣傷肝。血不歸元。作成痰飲。串入肺經。久而不治。變成癆瘵。復刺後穴。膏肓 腎俞 肺俞 乳根

第八十一吐血等症

亶中 中皖 氣海 三里 乳根 支溝

問曰。此症緣何而得。何法可治。答曰。皆因憂愁思慮。七情所感。內動於心。即傷於神。外勞於形。即傷於精。古人言。心生血。肝納血。心肝二經受尅。心火上炎。氣血上壅。腎水枯竭。不交濟。故有此症。須分虛實。不可藥治。

肺俞 腎俞 肝俞 心俞 膏肓 關元

第八十二肺癰咳嗽。肺俞 亶中 支溝 大陵

問曰。此症從何而得。答曰。因傷風。表裏未解。咳嗽不止。土農血。是肺離也。復刺後穴。風門 三里 支溝

第八十三久嗽不愈

肺俞 三里 亶中 乳根 風門 缺盆

問曰。此症從何而得。答曰。皆因食鹹物傷肺。酒色不節。或傷風不解。痰流經絡。咳嗽不已。可刺前穴。

第八十四傳尸癆瘵。鳩尾 肺俞 中極 四花結

問曰。此症從何而來。答曰。皆因飽後行房。氣血耗散。癆瘵傳尸。以致滅門絕戶者有之。復刺後穴。

亶中 湧泉 百會 膏肓 三里 中皖

第八十五消渴。金津 玉液 承漿

問曰。此症從何而得。答曰。皆為腎水枯竭。水火不濟。脾胃

俱敗。久而不治。變成皆疽。難治矣。復刺後穴。

海泉 人中 廉泉 氣海 腎俞

第八十六遺精白濁 心俞 腎俞 關元 三陰交

問曰。此症從何而得。答曰。皆因房事失宜。驚動於心。內不納精。外傷於腎。憂愁思慮。七情所感。心腎不濟。人漸羸血氣耗散。故得此症。復刺後穴。命門 白環俞

第八十七陰虛虛痛 中極 太谿 復溜 三陰交

問曰。此症因何而得。答曰。皆為少年之時。妄用金石他藥。有傷莖孔。使陰陽交感。不能發泄。故生此症。復刺後穴。

第八十八陰汗偏墜 蘭門 三陰交

第八十九木腎不痛 腫如升 歸來 大敦 三陰交

第九十奔豚乳弦 關門 關元 水道 三陰交

問曰。此三症因何而得。答曰。皆為酒色過度。腎水枯竭。房事不節。精氣無力。陽事不興。強而為之。精氣不能泄外。流入胞中。此症非一。或腫如升。或偏墜疼痛。如雞子之狀。按上腹中。則作聲。此為乳弦疝氣也。宜針後穴。

海底 歸來 關元 三陰交

第九十一婦人赤白帶下 氣海 中極 白環俞

腎俞

問曰此症從何而得。答曰皆因不借身体恣意房事傷精血或經行與男子交感內不納精遺下白水變成赤白帶下宜刺後穴。氣海 三陰交 陽交補多瀉少

第九十二婦人無子。子宮 中極

第九十三婦人子多。石門 三陰交

第九十四經事不調。中極 腎俞 氣海 三陰交

第九十五婦人難產。獨陰 合谷 三陰交

第九十六血崩漏下。中極 子宮

第九十七產後血塊痛。氣海 三陰交

第九十八胎衣不下。中極 三陰交

第九十九五心煩執頭目昏沉。

合谷 百勞 中泉 心俞 勞宮 湧泉

問曰此症因何而得。答曰皆因產後勞役邪風串入經絡或因辛動太過而得亦有室女得此症何也。答曰或陰陽不和氣血壅滿而得之者或憂愁思慮而得之者復刺後穴。少商 曲池 肩井 心俞

第一百陰門忽然紅腫疼。會陰 中極 三陰交

第一百一婦女血崩不止。丹田 中極 腎俞 子宮

問曰此症因何而得。答曰乃經行與男子交感而得人漸羸瘦外感寒邪內傷於精寒熱往來精血相搏內不納精

外不受血毒氣衝動子宮風邪串入肺中咳嗽痰涎故得此症如不明脉之虛實作虛勞治之非也或有兩情交感百脉錯亂血不歸元以致如斯者再刺後穴。

百勞 風池 膏肓 曲池 絕骨 三陰交

第一百二婦人無乳 少澤 合谷 臍中

第一百三乳癰針乳 臍中 大陵 委中 少澤

俞府

第一百四月水斷絕 中極 腎俞 合谷 三陰交

問曰婦人之症如何不具後穴答曰婦人之症難以再具止用此穴法無不効更宜詳脉虛實調之可也。

第一百五渾身生瘡 曲池 合谷 三里 行間

第一百六發背癰疽 肩井 委中 天應 騎竹馬

或問陰症疽滿背無頭何法治之答曰可用濕泥塗之先乾處用蒜錢貼之如法灸可服五香連翹散數貼發出。

第一百七腎臟風瘡 血郄 三陰交

第一百八疔瘡以針挑有血可治無血不可治 合谷 曲池 三里

委中

第一百九夾黃脇退 支溝 委中 肩井 陽陵泉

第一百十傷寒頭痛 合谷 攢竹 太陽肩後

第一百十一傷寒脇痛 支溝 章門 陽陵泉

委中 出血

第一百十二傷寒胸脇痛。大陵 期門 臍中 營管

第一百十三傷寒大熱不退

曲池 絕骨 三里 大椎 湧泉 合谷 俱宜瀉

第一百十四傷寒熱退後餘熱 風門 合谷

行門 絕骨

第一百十五發狂不識尊卑。曲池 絕骨 百勞 湧泉

第一百十六傷寒發狂不省人事。曲池 合谷

人中 復溜

第一百十七傷寒無汗。內庭 瀉 合谷 補 復溜 瀉 百勞

第一百十八傷寒汗多。內庭 合谷 瀉 復溜 補 百勞

第一百十九大便秘不通。章門 照海 支溝 太白

第一百二十小便不通。陰谷 陰陵泉

第一百二十一六脈俱無。合谷 復溜 中極 陰虛多

第一百二十二傷寒發狂。期門 氣海 曲池

第一百二十三傷寒發黃。腕骨 申脉 外關

湧泉

第一百二十四咽喉腫痛。少商 天突 合谷

第一百二十五雙乳蛾症。少商 金津 玉液

第一百二十六單乳蛾症。少商 合谷 海泉

第一百二十七小兒赤遊風。百會 委中

第一百二十八渾身發紅丹。百會 曲池 三里

委中

第一百二十九黃疸發虛浮。腕骨 百勞 三里

湧泉 治渾身黃 中脘 膏肓 丹田 治色黃 陰陵泉 治酒

第一百三十肚中氣塊痞塊積塊。三里 塊中 塊尾

第一百三十一五癰等症。上星 鬼祿 鳩尾 湧泉

心俞 百會

第一百三十二馬癰。照海 鳩尾 心俞

第一百三十三風癰。神庭 素膠 湧泉

第一百三十四食癰。鳩尾 中脘 少商

第一百三十五猪癰。湧泉 心俞 三里 鳩尾

中脘 少商 巨闕

問曰此症從何而得。答曰皆因寒痰結胃中。失志不定遂成數症。醫者詳治之無不効也。

第一百三十六失志痴呆。神門 鬼眼 百會 鳩尾

第一百三十七口臭難近。斷交 承漿

問曰此症從何而得。答曰皆因用心過度勞役不已或不

漱牙藏宿物以致穢臭復刺。金津 玉液

第一百三十八小兒脫肛。百會 長強 大腸俞

第一百三十九霍亂轉筋。承山 中封

第一百四十霍亂吐瀉。中脘 天樞

第一百四十一咳逆發噫。中脘 中脘 大陵

問曰。此症從何而得。答曰。皆因怒氣傷肝。胃氣不足。亦有胃受風邪。痰飲停滯得者。亦有氣逆不順者。故不一也。刺

前未効。復刺後天。三里 肺俞 行間 瀉肝經怒氣

第一百四十二健忘失記。列缺 心俞 神門 少海

問曰。此症緣何而得。憂愁思慮。動於心。外感於情。或有痰涎灌心竅。七情所感。故有此症。復刺後穴。中脘 三焦

第一百四十三小便淋瀝。陰谷 關元 氣海

三陰交 陰陵泉

問曰。此症因何而得。答曰。皆為酒色嗜慾不節。勉強為之。少年之過。或用金石熱劑。或小便急行房。或交感之際。被人衝破。不能完事。精不得施泄。陰陽不能舒通。緣此症非一。有砂淋。有血淋。有熱淋。有冷淋。有氣淋。請審詳治之。

第一百四十四重舌。腰痛。合谷 承漿 金津

至液 海泉 人中

第一百四十五便毒癰疽。崑崙 承漿 三陰交

第一百四十六瘰癧結核。肩井 曲池 天井

三陽絡 陰陵泉

第一百四十七發痧等症。分水。百勞。大陵。委中。

第一百四十八牙關脫臼。頰車。百會。承漿。合谷。

第一百四十九舌強難言。金津。玉液。廉泉。風府。

第一百五十口吐清涎。大陵。中脘。中腕。勞宮。

第一百五十一四肢麻木。肩髃。曲池。合谷。腕骨。

風市。崑崙。行間。三里。絕骨。委中。通里。

陽陵泉。此症宜補多瀉少。如手足紅腫。宜瀉多補少。

東垣針法

東垣曰。黃帝針經。胃病者。胃脘當心而痛。上支兩脇膈咽不通。飲食不下。取三里以補之。

脾胃虛弱。感濕成痿。汗大泄。妨食。二里。氣街。以

三稜針出血。若汗不減。不止者。於三里穴下三寸。上

廉。穴出血。禁酒。忌濕麪。

東垣曰。黃帝針經云。從下上者。引而去之。上氣不足。推而揚之。蓋上氣者。心膈上焦之氣。陽病在陰。從陰引陽。去其邪氣。於腠理皮毛也。又云。視前痛者。當先取之。是先以繆刺。瀉其經絡之壅者。為血凝而不流。故先去之。而

治他病。

東恒曰。胃氣下溜。五臟氣皆亂。其為病互相出見。黃帝曰。五亂刺之有道乎。岐伯曰。有道以來。有道以去。審知其道。是謂身寶。帝曰。願聞其道。岐伯曰。氣在于心者。取之手少陰。心主之俞。神門。大陵。同精導氣。以復其本位。

氣在于肝者。取之手太陰。榮俞。魚際。太淵。成痿者。以導濕熱。引胃氣出陽道。不令濕土尅腎。其穴在太谿。

氣在于腸胃者。取之足太陰。陽明。不下者。取之三里。

章門中腕。因足太陰虛。其募穴中導引之于穴中。有一說。肺俞。去肺病也。胃虛而致太陰無所稟者。于足陽明之募穴中引導之。如氣逆為霍亂者。取三里。氣下乃止。不下復治。

氣在于頭取之。天柱。大杼。不足取之。足太陽榮俞。通谷。束骨。先取天柱大杼。不補不瀉。以導氣而已。取足太陽膀胱經中。不補不瀉。深取通谷束骨。丁心火。已脾土穴。以引導去之。

氣在于臂足取之。先去血脉。後取其手足陽明之榮俞。

二間。三間。深取之。內庭。陷谷。深取之。○視

其足臂之血絡盡取之後治其痿厥皆不補不瀉從陰  
深取引而上之上者出也去也皆陰火有餘陽氣不足  
伏匿于地中者榮血也當從陰引陽先於地中升舉陽  
氣次瀉陰火乃導氣同精之法

帝曰補瀉奈何曰徐入徐出謂之導氣補瀉無形謂之同  
精是非有餘不足也亂氣之相逆也帝曰允乎哉道明  
乎哉問請著之玉版帝曰治亂也

東垣曰陰病治陽陽病治陰陰陽應象論云審其陰陽以  
別柔剛陰病治陽陽病治陰定其血脈各守其鄉血實  
宜決之氣虛宜導引之○夫陰病在陽者是天外風寒

之邪乘中而外入在人之背上腑俞臟俞是人之受天  
外寒邪亦有二說中于陽則流于經此病始于外寒終  
歸外熱故以治風寒之邪治其各臟之俞非止風寒而  
已六淫濕暑燥火皆五臟所受乃筋骨血脈受邪各有  
皆上五臟俞以除之傷寒一說從仲景十八風者有風  
論中暑者治在背上小腸俞中濕者治在胃俞中燥者  
治在大腸俞此皆六淫客邪有餘之病皆瀉其背之腑  
俞若病久傳變有虛有實各隨病之傳微瀉補瀉不定治  
只在背腑俞○另有上熱下寒經曰陰病在陽者當從  
陽引陰必須先去絡脉經隧之血若陰中火旺上騰於

天致六陽反不衰而上充者。先去五臟之血絡引而下  
行。天氣降下。則下寒之病自去矣。慎勿益瀉其六陽。此  
病陽亢。乃陰火之邪滋之。只去陰火。只俱脉絡經隧之  
邪。勿誤也。陽病在陰者。當從陰引陽。是不穀之寒熱。感  
則害人六腑。又曰。飲食失節。又勞役形質。陰火乘於坤  
土之中。致穀氣榮氣清氣胃氣元氣。不得上升。滋於六  
腑之陽氣。是五陽之氣。先絕於外。外者天也。下流伏於  
坤土陰火之中。皆先由喜怒悲憂恐。為五賊所傷。而後  
胃氣不行。勞役飲食不節。繼之則元氣乃傷。當從胃合  
三里穴中。推而揚之。以伸元氣。故曰。從陰引陽。若元氣

愈不足。治在腹上諸腑之募穴。若傳在五臟。為九竅不  
通。隨各竅之病。治其各臟之募穴於腹。故曰。五臟不平。  
乃六腑元氣閉塞之所生也。又曰。五臟不和。九竅不通。  
皆陽氣不足。陰氣有餘。故曰。陽不勝其陰。凡治腹之募。  
皆為元氣不足。從陰引陽。勿誤也。若錯悞四末之俞。錯  
瀉四末之榮。錯瀉者。差尤甚矣。按岐伯所說。只取穴於  
天上。天上者。人之背上。五臟六腑之俞。豈有生者乎。與  
言及此。寒心切骨。若六淫客邪。及上熱下寒。筋骨皮肉  
血脈之病。錯取穴於胃之合。及諸腹之荅者。必危。亦岐  
伯之言。下工豈可不慎哉。

東垣曰。三焦元氣衰。黃帝鍼經云。上氣不足。腦為之不  
滿。耳為之苦鳴。頭為之傾。目為之瞑。中氣不足。溲便為  
之變。腸為之苦結。下氣不足。則為痿厥。心悶補足外。環  
留之。

東垣曰。一富者前陰臊臭。又因連日飲酒。腹中不和。求先  
師治之。曰。夫前陰足厥陰之脉絡。循陰器出其挺。凡臭  
者。心之所主。散入五方為五臭。入肝為臊。此其一也。當  
於肝經中。瀉行間。是治其本。後於心經中。瀉少冲。乃治  
其標。

名醫治法

瘡毒

聚英

原病式曰。凡人初覺發背。背欲結未結。赤熱腫痛。先用濕  
紙覆其上。立候之。其紙先乾處。即是結癰頭也。取大蒜切  
成片。如三銅錢厚。安於頭上。用大艾炷灸三壯。即換一蒜  
片。痛者灸至不痛。不痛灸至痛時。方住。最要早覺早灸。若  
一日二日。十灸七活。三日四日。六灸活。五日六日。三四活。  
遇七日。則不可灸。若有十數頭作一處生者。即用大蒜研  
成膏。作薄餅鋪其上。聚艾于蒜餅上。燒之。亦能活也。若背  
上初發赤腫一片。中間有一片黃。不頭子。使用獨蒜切去

兩頭取中間半寸厚。安于瘡上用艾灸十四壯。多至四十壯。又曰痛者灸至不痛而止。謂先及其未瘡。所以痛。次及將瘡。所以不痛也。不痛灸至痛而止。謂先及其瘡。所以不痛。次及良肉。所以痛也。此癰疽初發之治也。

若諸瘡患久成漏者。常有膿水不絕。其膿不臭。肉無反肉。尤宜用附子浸透。切作大片。厚二三分。于瘡上着艾灸之。仍服內脫之藥。隔三二日再灸之。不五七次。自然肌肉長滿矣。至有膿水惡物漸潰根深者。郭氏治用白麵硫黃大蒜三物一處搗爛。看瘡大小。捻作餅子。厚約三分。于瘡上用艾灸二十一壯。一灸一易餅子。候四五日。方用翠霞錠子并信効錠子。互相用之。入瘡內。肉盡去。好肉長平。然後外貼收斂之藥。內服惡病之劑。調理即瘥矣。

喉痺

原病式曰。痺不仁也。俗作內閉壅也。火主腫脹。故熱客上焦。而咽隘腫脹也。張戴仁曰。手少陰少陽二脉並於喉。氣熱則內結腫脹。痺而不通。則死。後人強立八名。曰單乳鵝。雙乳鵝。單閉喉。雙閉喉。子口脹。木舌脹。纏喉風。走馬喉閉。熱氣上行。故傳於喉之兩旁。近外腫作。以其形似。是謂乳鵝。一為單。二為雙也。其比乳鵝差小者。名閉喉。熱結舌下。復生一小舌。名子舌脹。熱結于舌中為之腫。名木舌脹。木

者強而不柔和也。熱結于咽喉，腫繞于外，且麻且癢，腫而大者，名曰纏喉風。暴發暴死者，名走馬喉閉。八名雖詳，皆歸之火。微者鹹軟之，大者散之。至于走馬喉閉，生死人在反掌間。砭刺出血則病已。嘗治一婦人，木舌脹，其舌滿口，今以鉗針銳而小者砭之，五七度，三日方平。計所出血幾盈斗。○喉痺急用吹藥，利宜少，商合谷、豐隆、湧泉、關冲。

淋閉

原病式曰：淋，小便澀痛也。熱客膀胱，鬱結不能滲泄，故也。嚴氏曰：氣淋者，小便澀，常有餘瀝；石淋者，莖中痛，尿不得卒出；膏淋者，尿似膏出；勞淋者，勞倦即發，痛引氣冲，血淋者，熱即發，其則溺血。以上五淋，皆用鹽炒熱，填滿病人臍中，却用筋頭大艾灸七壯，或灸三陰交即愈。

眼目

東垣曰：五臟上注于目，而為之精。精之窠為眼，骨之精為黑眼，血之精為絡，其窠氣之精為白眼，肌肉之精為約束，裏攢筋骨血氣之精，而與脈併為系。目者，五臟六腑之精榮衛魂魄之所常營也，神之所主也。子和曰：目之五輪，乃五臟六腑之精華，宗脈之所聚。其白屬肺，金，肉屬脾，土，赤屬心，火，黑水神光屬腎，水，兼屬肝，木。目不因火則不病，白輪變赤，火乘肺也；肉輪赤腫，火乘脾也；黑水神光被翳，火

乘肝與腎也。赤脉貫目。火自甚也。凡目暴赤腫起。羞明隱  
澁。淚出不止。暴寒目。眈眈大熱之所為也。宜針神庭上星  
顙會前頂百會。翳者可使之退。腫者可使之消。惟小兒不  
可刺顙會。肉分淺薄。恐傷其骨。目之內眚。太陽膀胱之所  
過。血多氣少。目之銳眚。少陽胆經。血少氣多。目之上網。太  
陽小腸經也。亦血多氣少。目之下網。陽明胃經也。血氣俱  
多。然陽明經起于目兩旁。交頰中。與太陽少陽交會于目。  
惟足厥陰肝經連于目系而已。故血太過者。太陽陽明之  
實也。血不及者。厥陰之虛也。故出血者。宜太陽陽明。蓋此  
二經血多故也。少陽一經。不宜出血。血少故也。刺太陽陽  
明出血。則目愈。刺少陽出血。則目愈。昏要知無使太過  
不及。以血養目而已。雀目不能夜視。乃因暴怒大憂所致。  
皆肝血少。禁出血。止宜補肝養胃。

劉氏曰。內障有因于痰熱。氣鬱血熱。陽陷陰脫者所致。種  
種病因。古人皆不議。况外障之翳。有起于內眚外眚。睛上  
睛下。睛中。當視其翳色。從何經而來。如東垣治魏邦彥夫  
人。目翳綠色。從下而上。病自陽明來也。綠非五色之正。殆  
肺腎合而成病也。乃就畫工家。以墨調膩粉。合成色。與翳  
同矣。如議治之。疾遂不作。

眼生倒睫。拳毛者。兩目緊急。皮縮之所致也。蓋內傷熱。陰

氣外行當去其內熱并邪火。眼皮緩則毛出。翳膜亦退。用手法攀出內臉向外。速以三稜針出血。以左手爪甲迎其針鋒立愈。○目眶久赤爛。俗呼為赤睛。當以三稜針刺目眶外。以瀉濕熱而愈。○偷針眼。視其背上有細紅點如瘡。以針刺破即瘥。實解太陽之鬱熱也。

損傷

內經云。人有所墜。惡血留于腹中。腹滿不得前後。先飲利藥。若上傷厥陰之脉。下傷少陰之絡。當刺足內踝下。然谷之前。出血。刺足跗上動脉。不已。刺三毛。各一痛。見血立已。左刺右。右刺左。○其脉堅強者生。小弱者死。

針鋒立見○月暈久未爛俗呼為赤眼以三枝針刺目  
眶外以濕紙貼而愈○偷針眼提大針上有細紅點如瘡  
以針刺破即瘡自解大醫之新法也

損傷

內經云人有所墮惡血留于腹中腹滿不得前後大便  
或若上傷厥陰之脉下傷少陰之絡當刺足內踝下大筋  
之前出血刺足跗上動脈不已刺三毛各一兩先血之已

